

Ibbaibbele Iya bana Kwiiminiina

Kusakelela kwakutanguna




Lyakalembwa aba: Edward Hughes
Lyakapandululwa aba: Janie Forest; Alastair P.
Lyakazuzikizingwa aba: Lyn Doerksen
Lyakayubululwa aba: Phiri Williams
Lyakapangwa aba: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2021 Bible for Children, Inc.
Cizuminizyo: Mujisi coolwe cakubweza kaano aka,
pesi mutasambali.

1

Mukaintu wakaimikila
kumbali acilundu,
abusyu buuside,
kalangilila icibi
cakalikucitika.
Mwanaakwe kafwa.
Banyina bakali
Maliya, bakaliinwi
kufwafwi kubusena
oobo Jesu nkwakali
kugagailwa
aciingano.



2



Eno eeci
cakacitika buti?
Eno Jesu wakabumana
buti buumi bubotu
mumapenzi
aali boobu?

Ino Leza
wakamulekelela
buti mwanaakwe kufwa
acingano aalya? Sena
Jesu wakali kulubila
mbuli mbwabede? Sena
Leza wakaalilwa?

3




Pepe! Leza takaalilwa.
Jesu kunyina bulubizi
mbwakacita. Jesu
coonse ciindi wakalizi
kuti uyojaigwa abantu
bataluleme. Nikuba
ciindi Jesu wakali
Mwana, mucembele
ulazina lyakuti Simioni
wakali mwaambilide
Maliya kuti kuusa
kwaboola kumbele.

4



Kumazuba biyo
mashoonto Jesu
katana jaigwa,
kwakamuswenena
umwi mwanakazi ujisi
isazi iizwide mafuta
aanunka kabotu
wakatiilila kumaulu a
Jesu. "Unyonyona mali
manji," Basikwiiya bakatongoka.
"Wandicitila mulimo mbotu,"
Jesu wakabaambila. "Wacita mbuli
mukuzikwa kwangu." Majwi abweenzu!

5




Lino umwi muli balikumi
ababili bakwiiya ba Jesu,
uutegwa Judas, wakaya
kubapaizi basimutwe
akumusambala Jesu mali a
siliva ali makumi otatwe.

6



Apobwe lyama
Juda, Jesu wakalya cakulya
camamanino abasikwiiya bakwe.
Wakabaambila makani mabotu a
Leza azishomesho zyakwe kuli
baabo bamuyanda. Jesu
wakabapa mukamu akanywido
kuti baabane. Eeci cakali kuba
ciyeyezyo kuti mubili wa
Jesu abulowa
bwakwe
bwakapegwa
kubulekelelo
bwazibi.

7



Lino Jesu wakabaambila beenzinyina kuti inywe
nyoonse mulalebwa alindime mansiku aano, nkabela
mulamwaika. "Mebo nsikoyolebwa pe," Petro
wakavwiila. "Mukombwe katana kulila, ulandikaka
kotatwe," Jesu wakamwambila.


8



Mansiku ngenya,
Jesu wakaya
kumuunda utegwa
Getesemani.
Basikwiiya
wakajana baloona.
"Tata wangu,"
Jesu wakapaila,
"... kacitakonzeki
kuti eeci ciindilile.
Cita ndinwe,
alucitwe
luyando
lwako."

9


Nkabela nakacilikwaamba nkamu
impatu itobelegwa a Judas, yakasika
mumuunda. Jesu takwe nakakaka,
pesi Petro wamukupa kutwi omwe
wamupaizi simutwe. Pele
Jesu wakajata kutwi
kwakwe akumuponya.
Jesu wakalizi kuti
kumwanga cakali
kuyanda kwa Leza.



10

Nkamu ilya lyakamutola Jesu kung'anda yamupaizi
mupati. Ooko basi mutwe bapati baba Juda bakati
bayanda kuti Jesu afwe.

Afwafwi, Petulo
wakaliinwi amulilo
wabazike uleebela.



11

Ziindi zyotatwe bantu kabamulanga
Petulo kabaamba kuti, "Ayebo wakali anguwe Jesu!"

Kotatwe Petro wakakaka,
mbubonya biyo Jesu
mbwakaamba kuti
uyocita. Petro
mane wakakazyza
cakukonka.



12


MUKOMBWE-A-
KWEENGA-MUZELA

Mpenyao, mukombwe
wakalila. Cakali mbuli
ijwi lya Leza kuli Petro.
Wakaibuluka ijwi
ndyakaamba Jesu,
Petro wakalila loko.




13

Alakwe Judasi,
wakausa. Wakaziba kuti
Jesu takwe mulandu. Judasi
wakaakuboozya mali masiliva
makumi otatwe kubapaizi
basimitwe abapati pesi
balo bakakaka
kubweza mali.




14




Mpao Judasi wakawaala mali ansi, elyo wakainka waakulisina.

15




Lino bapaizi bakamutola Jesu kuli Pilato mweendelezi waba Roma. Pilato wakati, "Taakwe kaambo nkindajana kumuntu oyu." Pele ikamu lyabantu lyakaindilizya kuongolola akuti, "Abambulwe! Abambulwe!"

16



Ampela Pilato wakazumina, akuti Jesu abambulwe aciingano. Mpao basinkondo ba mwami bakamuuma, bamuswida mate, akumusamununa zisani. Bakaluka musini wamamvwa akumuzambaila kumutwe. Mpao bakamubambula aciingano.

17



Jesu wakalizi kuti njoojaigwa munzila iiliboobu. Alimwi wakalizi kuti kufwa kwakwe kuyooleta kulekelela kwazibi kuli baabo bayomusyoma. Lino

Jesu wakabambulwa anguwe bafumpi bobile. Omwe wakashoma muli Jesu - nkabela wakainka mu paladaiso. Umwi takwe nakainka.

18



Elyo nikwakaba ciindi cakupenga, Jesu wakati, "Kwamana," akufwa. Mulimo wakwe wakazulila. Beenzinyina bakamuzika momwatakalinazikwa muntu.

19



Elyo basilumamba baci Roma bakajatisya kabanda kakusindikizya ibbwe akubika balindizi. Taakwe muntuwali kukonzya kunjila nekuba kuzwa.

20

Kuti aaka kakali kaano kamamanino, nicakainda buti kubija. Pele Leza wakacita cintu cibotu kapati. Jesu taakwe nakakkalilila kafwide!




21

Nkabela nibwakaca buzuba butaanzi bwansondo, bamwi basikwiiya ba Jesu bakajana ibbwe lyazwa kumulyango. Nibakalanga mukati, bakabona kuti Jesu takaliko.



22

Umwi mwanakazi wakalikkede kalila kukabanda. Nkabela Jesu wakalibonya kulinguwe! Oyu mwanakazi wakazuza wakwaambila abamwi basikwiiya. "JESU ULAPONA! JESU WABUKA KUZWA KUBAFU!"



23

Elyo Jesu wakeeza kuli basikwiiya bakwe, wabatondezya maanza aakwe ebbazu lyakwe. Kakali kasimpe. **JESU WALIKUPONA ALIMWI!** Wakamulekelela Petro wakamutama, nkabela wakabaambila basikwiiya bakwe kuti baambile bantu boonse zyamakani aakwe. Eno naakali kubalongozya wakaandaana abo watolwa Kujulu nkwakazwida akilisimasi yakutanguna.

24

Kusakelela kwakutanguna

Ikaano kuzwa kumajwi a Leza, Ibbaiibbele,

lijanwa

Matayo 26-28, Luka 22-24, Johane 13-21

"Mucilyango lyamajwi aako aapa mumuni."
Intembauzyo 119:130

25

Kumamanino

54



60

26

Ootu twaano twamu bbaibbele tulatwaambila
bubotu bwa Leza wakatulenga, uuyanda kuti yebo umuzibe.

Leza ulizi kuti twakacita zintu ziteelede, eeco ncaita kuti icibi.
Cisubulo cacibi ndufu, pele Leza ulakuyanda kapati wakapa
mwanaakwe simuzyalwa alike, Jesu, kuti afwe aaciingano alimwi
wakapenga akaambo kazibi zyako. Elyo Jesu wakaboola kubaumi
nkabela wakaunka Kujulu! Na wasyoma muli Jesu akulomba
kulekelelwa kuzibi zyako, uyookulekelela! Ulaboola akupona
anduwe, alimwi oyapona anguwe kukabe kutamani.

Kuti koshoma kuti oobu mbwini, komwambila Leza kuti:
Ooyandwa Jesu, ndilashoma kuti ndiwe Leza, wakaboola
mubuntu kuzoofwa akimbo kazibi zyangu, kutegwa ndijane
buumi bupya lino, alimwi buzoba ndikabe anduwe kukabe
kutamani. Kondigwasha kukuteelela kutegwa ndipone kwako
mbuli mwana wako. Ameni.

Kobala Ibbaiibbele nkabela ukanane a Leza
buzuba abuzuba! Johane 3:16